



Synfocity = 893

mail us at : mzsynfo@gmail.com; mizoramsynod@gmail.com - Phone - 2314648

June 16, 2023

❑ Synod Bookroom Distributor's meet

Synod Bookroom chuan kum danga an lo tih thin angin June 9, 2023 (Zirtawpni) khan Synod Bookroom Distributor's Meet 2023 chu Synod Office, Devotion Hall-ah an hmang.

Conference hi zing dar 10:00-ah Pu Vanlaltirha, Stock Supervisor, Synod Bookroom chuan hawngin inlawmna thu a sawi a. Chawhma hunah Pu Lalniliana, Manager, Synod Bookroom chuan Bookroom Distributor bikte sum dinhmun report a pe a. Synod Bookroom hnuuia Distribution Centre 48 bikten an budget ₹ 1,78,00,000.00 chu tha taka an khum thu leh an thawh chhuah chu ₹ 3,11,83,720.00 a nih thu a sawi a. Heti hian Financial Year hmasaa an thawh chhuah chu kumin hian ₹ 1,42,07,852.00-a an khum thu a sawi bawk.

Chawhnu lamah Upa H. Ronghaka, General Manager chuan Meet kaihruiin Mizoram puma Distributor hrang hrangte atangin report leh rawtnate ngaihthlak a ni a. Kum kal taa Bookroom rawngbawlina hrang hrang thlirletna leh sawi zauna neih a ni.

Hemi hnu hian kum kaltaa Synod Bookroom Distributor tha thlanna result puan a ni a, Upa H. Ronghaka, General Manager, PRESCOM chuan Branch ti thate hnenah lawmman a sem a. Tehna ki hrang hrang palia inteh a nih hnuah hetiang hi kum 2022-23 chhunga Synod Bookroom Distributor intehna result chu a ni:-

- Pakhatna : Synod Bookroom Sairang Distributor
- Pahnihna : Synod Bookroom Zamuang Distributor
- Pathumna : Synod Bookroom Darlawn Distributor

❑ Mizoram Christian College-in Graduation Day an hmang

Mizoram Synod enkawl, Mizoram Christian College chuan June 9, 2023 (Zirtawpni) khan Graduation Day an hmang. MCC zirlai kal chhuak hmasa ber tur mi 147 te thlahna hun hi Principal Upa Dr. Tawnenga'n kaihruiin kal khawmte lawmna thu tawi a sawi hnuah Rev. Dr. K. Lallawmzuala, Executive Secretary, i/c MCC-in hunserh a hmang a ni.

He hunah hian zirtirtute aiawha thusawitu MCC Vice Principal, Dr. Lalthansanga C. chuan zirlaite chu an hun hmang tha turin a fuih a, Mizo mipa mawhphurhna la ngam lo an tam lutuk chu, ram tichhetu an ni tiin, zirlaite chu an hma zawna mawhphurhna la ngam turin a chah bakah, "Mizo thalaite hian thawh hreh nei lo ang u. Sum a thianghlim loh erawh chuan, i hnawl ngam ang u" tiin zirlai kal chhuak turte chu a fuih a ni. MCC Principal hmasa ber, Rev. Dr. Lalchungnunga'n MCC bul tan dan leh hma lak chhoh dan sawiin, kum thum chhunga leka MCC hmasawn chak dan chu lawmawm a tih thu a sawi a. Rev. Dr. C. Chawngmingliana, Synod Moderator pawhin thuchah sawiin, Mizoram Christian College-a zirtirtuten nelawm leh zahawm tak sia an zirlaite an kaihruiin dan chu hmuhawm a tihzia sawiin, college ding tir tein an paltlang tawh china result tha tak an la nei zel thei chu ropui a tih thu a sawi bawk.

Thusawitute hian Mizoram Christian College chu mithiam, Pathian tih chher chhuahna tura din a nih thu an sawi uar hle a, zirlai kal chhuak turte chu Pathian tih tlat chunga ram leh hnam hmasawn nan leh Pathian ram zau zel nana an thiamnate hmang turin an fuih a ni. He hun hi Mizoram Christian College Governing Board member-ten an hmanpui bawk.

❑ Kohhran Hmeichhia

- ◆ June 13, 2023 (Thawhlehi) zan khan kum tina an tih thin angin ram pumah Kohhran Hmeichhiaten Chawnghei tanngtai hun an hmang a. Hemi zanah vek hian Synod Hospital, Durtlang Charity Fund leh John Williams Hospital, Lunglei pualin thawhlawm lak khawm a ni a, thilpek tling khawm chu Central Committee ruahman dan angin Synod Hospital leh John Williams Hospital pek a ni ang.

- ◆ June 17-18, 2023 chhung hian Reiek Bialah Leadership Training leh Kristian Chhungkaw Campaign nei turin Pi Zothansiami, Treasurer leh committee member-te, Pi Lalbiakthangi leh Pi J.C. Ronghaki te an kal ang.

☐ **Mistiri Training kharna hun hman**

June 14, 2023 (Nilaini) zan dar 7:00 khan Synod Social Front buatsaih Cement Mistiri Training kharna hun Pi Zaii Hall, Synod Conference Centre-ah neih a ni.

Cement Mistiri Training hi May 15-June 14, 2023 chung khan Synod Conference Centre-ah neih a ni a. Zirtirtu atan mithiam rual (engineer) te rawih an ni a, mi 29-in training hi tluang takin an zo a ni. Training-ah hian kar khat chung theory class an nei a, theory class zawhah Supervisor kaihhruaina hnuaiyah mimal in sain practical training kar thum chung an nei baw.

Training kharna hun hi Rev. V.L. Luaia Hranleh, Executive Secretary-in a kaihruai a. Rev. Dr. C. Chawngmingliana, Synod Moderator-in thuchah sawiin training chhuakte hnenah Certificate leh Cement mistiri-te hmanraw mamawh tur thil chi hrang hrang a hlan a. Training resource person leh trainees aiawh ten thu an sawi baw. He hunah hian trainees-te atangin Zaipawl leh One in Christ te an zai a ni.

Synod Social Front hian eizawna mumal nei loten eizawna an neih theih nan kut themthiamna training chi hrang hrang Aluminium Mistiri Training te, Plumbing Training te a lo buatsaih tawh thin a. Tun tumah hian Cement Mistiri Training hi a buatsaih ve leh ta a. Heng training chi hrang hranga training chhuak tam tak hian eizawna an neih phah tawh a ni.

☐ **Synod Mission Board**

◆ **Jharkhand Mission Field**

June 10, 2023 (Inrinni) khan member thar panga an awm belh a, June 11, 2023 (Pathianni) khan Field chung hmun hrang hrangah member thar 32 an awm belh a, Roman Catholic Kohhran atangin kan Kohhranah mi pakhat leh Methodist Kohhran atangin mi 4 kan Kohhranah anrawn inpe baw.

◆ **Karbi Anglong Mission Field**

June 11, 2023 (Pathianni) khan member thar pahnih an awm belh.

◆ **Lucknow Mission Field**

June 11, 2023 (Pathianni) khan member thar pali an awm belh.

◆ **Assam Mission Field**

June 11, 2023 (Pathianni) khan member thar pakhat a awm belh.

◆ **Odisha Mission Field**

June 11, 2023 (Pathianni) khan member thar panga an awm belh.

◆ **Arunachal & Assam Mission Field (West)**

June 11, 2023 (Pathianni) khan member thar pahnih an awm belh.

◆ **Home Mission North**

June 11, 2023 (Pathianni) khan member thar panga an awm belh.

☐ **MSSU**

June 17, 2023 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

Falkland East Kohhran	- Upa S. Kapzathanga Upa C. Lalbiaksanga Upa Lalliantluanga
Leitan Kohhran	- Upa Lalthanchhunga Upa V. Lalrindika Upa John Lalnunthara
Khatla Kohhran	- Upa Lalrosanga Kawlni Upa K. Zoremsanga Upa H. Lalnghinglova
Saikhamakawn Kohhran	- Nl. Agnes Lalrinzuali Upa K. Vanlalnghaka Upa Dr. Lalhmachhuana
Kelkang Bial	- Rev. Dr. B. Lalnunzira Upa Hrilthansanga Upa Lalsiammawia Pachuau

☐ **Trust**

June 13-14, 2023 chung khan Chhingchhip Mualpui, Bungtlang leh Sangau Pastor Quarters Renovation tur enpuin Pu Lalhriatrenga, J.E. a kal.

☐ **Prison Ministry**

June 17-18, 2023 chung hian Lawngtlaiah Prison Ministry Awareness Campaign leh District Jail tlawh turin Rev. Lalhmuchhuaka, Director; Tv. Lalrempuia, Speaker, Saltang chhuahtu Team leh Pu David Lalnunsanga Colney, Counsellor te an kal ang.

☐ **Social Front**

June 17-18, 2023 hian Bial hrang hrangah Political Education Campaign nei turin Campaigner-te hetiang hian an chhuak ang:

Thenzawl Bial, Thenzawl Field Veng Bial,	-	Rev. P.C. Pachhunga
Thenzawl Vengthlang Bial		Rev. Johana
		Upa C. Lalduhawma
		Upa Lalbiakzuala
Sairang Dinthar Bial	-	Rev. Dr. R. Vanlaltluanga

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawl na pek a ni.

S.No	Khua	Pek chhan	Chhungkaw zat	Pek zat
1.	Manipur buaina tawkte tanpui nan			₹ 3,00,000/-
2.	Keifanga raltlan awmte pualin			₹ 2,00,000/-
3.	Kaisanary leh			
	Cachar Zion Kohhran	Damlo	3	₹ 30,000/-
4.	Tualcheng	Damlo	2	₹ 20,000/-
5.	Leitan East	Damlo	2	₹ 20,000/-
6.	Chalrang	Damlo	1	₹ 10,000/-
7.	Vairengte Chhimveng	Damlo	1	₹ 10,000/-
8.	Sialhawk	Damlo	1	₹ 10,000/-
			Belh khawm	₹ 6,00,000/-

☐ **FM Zoawi - Aizawl & Lunglei : Hruaina Eng Radio Programme**

June 16, 2023 (Zirtawpni) @ 7:30 p.m. :

Fak Hla Huang

Solo	: Elvis Lalduatpuia
Thusawi	: Rev. Zothansanga - Ngaih pawimawh hmasak tur
Solo	: Baby Malsawmtluangi - Lal ka thlang
Zaipawl	: Bungkaw Bial Zaipawl - Khawvel hrut chhuak ila

☐ **Susamachar Prasaran Programme :**

June 18, 2023 (Pathianni) 5:30 pm. :

Group/Choir/Solo	: Republic Veng Masihi Sangati - Prabhuki Prathana
Group/Choir/Solo	: Soni Lalnunsangi - Sahara mujko
Sermon	: Rev. P.C. Rohlira - Parmeswar Ke Samit Rahena
Group/Choir/Solo	: Lalduhawma - Aradhana
Group/Choir/Solo	: Aizawl Venglai Masihi Sangati - Balidan

☐ **Hruaina Eng TV Programme**

15.6.2023 (Ningani)	8:30 pm	: Zir bingna - Hun hnunung Thu - Mi thianghlim lawr
16.6.2023 (Zirtawpni)	5:00 pm	: Kristian Naupang Pual
17.6.2023 (Inrinni)	5:30 pm	: Puitling Sunday School Zirlai
	8:30 pm	: Rimawi huang
18.6.2023 (Pathianni)	8:00 am	: Weekly Round Up
	5:30 pm	: Su Samachar
19.6.2023 (Thawhtanni)	8:30 pm	: Hruaina Eng Luang Chhuak
20.6.2023 (Thawhle hni)	8:30 pm	: Nilai Zan thupui zir ho - Synod Nomination Committee

☐ **Moderator leh Executive Secretary-te Programme:**

Rev. Dr. C. Chawngmingliana : Moderator

June 17, 2023

Zan - Brigade Kohhran, Bawngkawn Bial

June 18, 2023

Chawhma - Chhimveng Kohhran, Bawngkawn Bial

Chawhnu - Shalom Kohhran, Bawngkawn Bial

Zan - Bawngkawn Kohhran, Bawngkawn Bial

Rev. C. Zorammawia : Senior Executive Secretary

June 17-18, 2023

Kohhran tlawh - Kolkatta

June 19, 2023

MCC meeting

June 21, 2023

Theological Education Board (TEB)

June 22, 2023

Trust Inhmukhawm

Rev. V.L. Luaia Hranleh : Executive Secretary

June 22, 2023

B.Sc Nursing Interview Board

June 25, 2023

Chanmari West Hmarveng Kohhran

Rev. Dr. K. Lallawmzuala : Executive Secretary

June 14-17, 2023

Arunachal & Assam Mission Field (East) Office hawn

June 20, 2023 - Synod Officers' Meeting (OM)-ah Moderator leh Executive Secretary-te an tel ang.

RAWNGBAWLNA HNA RUAK DIL THEIH

Mizoram Presbyterian Kohhran hnuaiyah a hnuaiya tarlan rawngbawl hna hi a ruak a. Presbyterian Kohhran mi, kum 18-35 inkar, ni 21.7.2023-a kum 18 tling, kum 35 la pumhlum lo, zuk leh hmuama fihlim tan dil theih a ni. Dilna Form leh Tualchhung Kohhran Confidential Report Form hi Synod Office (Aizawl leh Lunglei)-ah ni 9.6.2023 (Zirtawpni) atangin lak chhuah theih a ni ang. Dilna hi Synod Service Board, Synod Office, Aizawl-ah thehluh tur a ni a, dilna form man ` 20/- a ni. Dilna Form-ah hriat tur pawimawh tar lan a ni.

Hna hming : Office Assistant
 Category : Contract
 Post ruak zat : Panga (5)
 Thiamna : HSLC of any recognised Board with CCA/CCC holder
 Hlawh : Synod hnuaiya Office Assistant (contract) hlawh

Dil theih hun chungh : Dt. 10.7.2023 (Thawhtanni) Dar 5:00 p.m. thleng

Screening test/exam : Dt. 15.7.2023 (Inrinni) Dar 10:00 a.m.

Interview : Dt. 21.7.2023 (Zirtawpni) Dar 10:30 a.m.

Sd/- Rev. C. Zorammawia
 Secretary
 Synod Service Board
 Synod Office; Aizawl